

خبر الکلام

صاحب امتیاز و مدیرمسئول:
حسین شعی

سر محرری:
احمد شیرانی

۲۷ ذی الحجه

۱۵ تشرین ثانی

ماقل و دل

[پنجشنبه کونری]

قل الحیر والافاسک

[نشر اول نور]

اجتهاده دائر اجتهاداتم

مسرووات سابقه می ، دقتله اوقوینلر ، شوراسنی در خاطر ایدرلرکه یکی اجتهاد علمینده بولنیشم ، حال جاری اعتباریله ایدی . بوقیدی ، اوله کلدشی کوزل اوله رق سوبله مه مش ، بلکه اونکله بر مقصد اکلاتنی ایسته مشدم . مقصدک نهدن عبارت اولدینی یته دقتله اوقوینلره توضح ایتمشدر . صانیرم .

بو دفعه ، اجتهاد حقننده کی اجتهاداتمی ، حقیقت یین ، انظار و ابصاره تقدیم ایتک اوزره بسمله خوان اولیورم . والله ملهم الصواب والیه المرجع والمآب .

اجتهاد ، صلاحیتی ، اهل واربابندن هیچ بر زمان نزع ایدله مشدر . وایدک احتیالیده یوقدر . «اجتهاد قاپوسی مسدوددر ، آچیلهمز» دیه بیلیمک ایچون ، اجتهادک جوازی حقننده کی نصوص شرعیه نك منسوخ اولماسی لازم کلور . حالبوکه مجتهدین عظام حضر اتنک استناد ایتش اولدقلری جواز اجتهاد دلیللرینک هیچ بر یسی منسوخ دکلدر . اگر منسوخ اولسیدی اونلرده اجتهاد ایدمه مز لردی . مجتهدین ، عصرنده

عدم منسوخیتی ثابت اولان بر دلیل ، اعصار لاحقه ده نسخ اولنه من . چونکه نسخ اولنقی ایچون ، یکی آیت نازل اولنقی ، یکی حدیث شرف صدور ایتک ایجاب ایدر . بوندن بشقه هیچ بر وجهله نسخ ممکن دکلدر . یکی آیت ویکی حدیثک نزول و رودی ایسه دین اسلامک تکملی وحضرت محمدک - ص ع - عالم بقایه عروجی ایله نهایت بولمشدر . دیمک اولیورکه دلائل اجتهاد ، کما کان مرعی الاحکام ومعمول بهادر ، بناء علیه هر زمان اجتهاد ایدیله بیلور . ونقل بوکا مساعدر .

عقل ایسه ، هر وجهله - عندالاحتیاج - اجتهادک جوازینه قائلدر . دیبورکه دین اسلام حین تکملندن قیامته قاندر اولان احتیاجات وحادثات بشریه یی دائره احتواسنه آلتش بر دین سواویدر . هر مسلمانک اعتقادیده بویوله در . هر شی ، یا بالذات ویاطولایسیسه «قرآن» ده واردر ، دین اسلام کی دین یوقدر دیبورز . وحقیقت حالک بویله اولدینی ده شبه کورتورمز . دین اسلامک تکمل ایتش اولدینی وهر نه ارانورسه قرآن عظیم الشانده بولنه بیله چکی

شرعی به ارجاع ایچون اجتهاد قاپوسنه باش وورمق مجبوریدر ،

احتیاجک تولید ایلدیکی بو مجبورتی نظر احمیته آلهرق اکاکوره حرکت ایتمزسه کهم دین مبین اسلامک علویتنی تنقیص ، احاطه سنی تحدید ، همده افراد اسلامیه نی احکام اسلامیه دن اوزاقلاشدیرمیش اولورز . چونکه هیچ بر کیمسه ، احتیاجنه کافی کلمه یی بر دینه الی الابد مربوط قالمز ، برکون اولورکه عصیان ایدر . دایل اولمق اوزره حال حاضری کوسترمک کافیدر قناعتندیم . دین اسلام کئی واسع بر دینی ، احتیاجانه غیر کافی ، حادثاته غیر شامل ، ظن اوانسحق قادار دارالتق یوزندندرکه احکام اسلامیه علینهن حسن نفرت بسله یی ، قواعد موضوعه سنی مانع ترقی عدایدن کون کچدکجه چوغالییور . بوحاله میدان ویرمک ، دین جلیله خدمت دکل ، اهانشدر . علمامز ، اجتهاد ایتمکله دار بر دینی توسیع ایتمش اولمایه جقلر بلکه واسع بر دینی دارلق تهتمندن قورتارمیش اوله جقلردر .

اجتهاده دائر اجتهاد آتمی بووجهله علاقه دار قارئلریمک حضور اعتدال واهتاملرینه تقدیم ایتدکنصکره خلاصه اولهرق دییورمه که اجتهاد قانومی آچیقدر ، فقط بو قاپودن نصل ونه شرطله کیرمه لی در ؟ بوراسی او بر نسخه یه قالسون .

احمد شیرانی

ذنا آيات جلیله ایله ثابتدر . اوله ایسه بتون احتیاجات وبتون حادثاتمز ، قواعد اسلامیه نک دائره احاطه سنده بولمالی در . عکسی تقدیرده کامل دکل - حاشا - ناقص بر دین اولماسی لازم کالورکه بوده عقل و نقله مخالفدر .

دین اسلام ، ناقص بر دین اولسه یدی خاتم ادیان ، صابیه مزدی ، اندنصکره کامل بر دین وضع ایتمک ، حکمت الهیه ومصلحت بشریه موافق دوشردی . چونکه ادیانک حکمت وضعی ، بشریه نک هر درلو احتیاجات مادیه ومعنویه سنی تأمین ایتمکدر . اگر ایتمزسه نسخ اولماسی نه حکمت ومصلحت ایجاباتندندر نصل که اقوام سالفه نک احتیاجاتی ، ادیان سابقه قواعدیه تأمین ایدیلهمیه جک برحاله کلنجه هر بری نسخ اولنوب برینه بشقه دین وضع یورلمشدر . مادمکه بشریتی الی الابد قواعد دینیله ایله اداره ایتمک ، اراده الهیه مقتضاسندندر ، دینک احتیاجانه کوره وضع اولماسی نه مقتضای حکمت ومصلحتدر ، ودین اسلامده نسخ اولمامشدر ، واولنق احتمالی ده یوقدر او حالده کامل ودافع احتیاج بر دن اولدیغنی قبول ایتمک ضرورتی ثابت اولور . بوراسی ثابت اولنجه یالکن عصر حاضرده کی حادثاتی دکل ، فیا بعد هر عصر لاحقه ظهوری محتمل بولنان انواع حادثاتی حاوی اولماسی لازم کله جکئی کیمسه رد ایدمهز . اوله ایسه قواعد فقهیه مزک سکوت ایتمیکی مسائل حادثه نی بر اساس

